

Latit.
Gr. Scr.

Longit.
Gr. Scr.

68 INDEX GEOGRAPHICUS.

familias, five Tribus dividitibus, quæ fuerunt Aser, Benjamin, Dan, Ephraim, Gad, Isachar, Juda, Levi, Manasse, Nephthalim, Ruben, Simeon, & Zabulon; quæ omnes etiam in unicum, tandemque in duo Regna descriptæ sunt, sub nominibus Israël, & Juda. Vide Israël. 4. Judæa, 1. Reg. 23. & in Efdra multoties, à Regno, five à Tribu Juda; quæ abductis in Assyriam decem Regni Israël Tribubus, sola cum Tribu Benjamin ibi remansit, usque ad captivitatem Babylonicam, quâ solutâ, penè etiam sola in antiquam sedem rediit. Verùm & Judææ nomen nunc totam Israëlitarum regionem, nunc partem tantum amplectitur. Judæa enim omnis Christi ætate divisa est in partes sex: in Galilæam, Samariam, & Judæam propriè dictam, quæ cis Jordanem, & ad Mare Mediterraneum: in Trachonitidem, Ituræam, five Peræam, & Idumæam, quæ trans Jordanem, & in mediterraneis positæ sunt. Vide Israël. 5. Palestina & Terra Palestinorum (eos Philisthiim Hebræi nominant) Genes. 21. &c. Sed Græcè, Latinèque scribentibus Palestina: sub quo nomine Romani Judæam omnem in Provincias tres descripserunt. 6. Terra Sancta, quod in ea Jesus Christus, Deus-homo factus, natus, & educatus vixerit, miracula innumera fecerit, mortem pro homine passus fuerit, & resurgens in cœlos tandem ascenderit. Ideoque Christiani omnes Terram hanc, Terram Sanctam uniuersam suâ linguâ vocavêre.

32. 4. 67. 26.

Julias. Herodes Tetrarcha Betharamphtha muniit, eamque Juliada ab uxore Tiberii Julia appellavit. Joseph. Ant. 18. c. 3. & Bel. 2. c. 15.

Julias. V. Beth-saida.

31. 5. 65. 5.

Juniperus Eliæ dicitur, sub quo Elias sedit, petiitque animæ suæ, ut moreretur, dum fugeret à facie Jezabel; quæ illi, quod pseudopphetas suos occidisset, mortem comminata fuerat: sed cum obdormiisset, semel, atque iterum excitatus ab Angelo, panem subcinericium & aquam comedit, bibitque: & in fortitudine illius cibi quadraginta diebus, & quadraginta noctibus ambulavit indefessus, usque ad montem Oreb, 3. Reg. 19... Juniperi hujus positio videtur ad minimum unius diei itinere à Bersabee, & in Deserto.

L.

28. 0. 51. 0.

Laabim ex filiis Mesraim tertius, Genes. 10. v. 13. At vero Mesraim genuit Ludim, & Anamim, & Laabim, & Nephthim. Laabim, & ejus posteris Lybiam, saltem quæ circa Cyrenem est, concedimus.

Laban. Deuter. 1. v. 1. Hæc sunt verba, quæ locutus est Moyses ad omnem Israël trans Jordanem, in solitudine campestri, contra Mare Rubrum: inter Pharan, & Thophel, & Laban, & Hasaroth. Locus ergo in solitudine.

31. 17. 1/2 66. 6.

Labana urbs in quarta Tribus Judæ parte prima describitur, Josue 15. v. 42. Hanc à Lebna aliam facimus.

32. 52. 66. 57. 1/2

Labanath urbs nona est inter viginti duas urbes Tribus Aser, Josue 19. v. 26. nec alia hujus urbis mentio; sed Ahalab, Judic. 1. v. 31. urbs est, cujus habitatores non delevit Tribus Aser; nulla autem est Ahalab in Tribu Aser, nisi ipsa cum Labanath respondeat. Vide Animadv.

31. 37. 66. 28.

Lachis urbs regia in tertia Tribus Judæ parte, & inter Jethel & Basath, Josue 15. v. 39. cujus Rex Japhia, & Adonisedec Rex Jerusalem, alique ascenderunt, ut expugnarent Gabaon. Vide Gabaon. Ideoque inter Reges à Josue devictos, Lachis Rex unus est, Josue 12. v. 11. 4. Reg. 14. v. 19. Facta est contra Amasiam conjuratio in Jerusalem, at ille fugit in Lachis; miseruntque (conjuratores) post eum in Lachis, & interfecerunt eum. Eadem referuntur 2. Paral. 25. v. 27. 4. Reg. cap. 18.

In